



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL

Komunikadu Imprensa

6/3/2013

JSMP realiza treinamentu “justisa ba ema hotu” iha Suco Sagadate Laga-Distritu Baucau

Iha 29 Fulan Maiu 2013, *Judicial System Monitoring Programme* (JSMP) liu husi Unidade LRU no Relasaun Públiku hala’o treinamentu iha Suco Sagadate, Sub-distritu Laga, Distritu Baucau.

Partisipante sira ne’ebé tuir treinamentu ne’e kompostu husi, xefe aldeia, lia nain/ansiaun, feto rua husi suco, grupu joventude inklui comunidade no mídia. Total partisipante sira hamutuk nain 30 ne’ebé konsiste mane nain 19 no feto nain 11.

Materia treinamentu ne’e kona-ba justisa kriminál, direitus umanus, no oinsá atu asesu ba servisu provizaun legál no servisu sira ne’ebé fornese ba ONG sira.

“Objetivu husi treinamentu ida ne’e mak atu hasa’e diak liu tan komuniadade sira nia koñesimentu kona-ba justisa no liu liu lideransa komunitária sira, hodi ajuda sira nia comunidade bainhira iha kazu krime ruma ne’ebé akontese iha sira nia suco laran, , dehan Diretór Ezekutivu JSMP Luis de Oliveria Sampaio

JSMP hanoin katak programa treinamentu ne’e hanesan pasu importante hodi aktualiza no disemina informasaun liu-liu ba lideransa komunitária hodi kontribui ba justisa ne’ebé liu husi dalan formal. Aleinde ne’e mós bele hatene oinsá prosesu justisa tradisionál ne’ebé eziste no aplika iha comunidade iha suco ne’e nia leet sein prezudika comunidade sira rasik.

Iha parte seluk, Sr. Duarte Pereira hanesan Sekretáriu Suco Sagadate iha nia abertura ba treinamentu ida ne’e dehan katak, “ lori comunidade iha suco refere agradese tebes prezensa ekipa JSMP nian hodi fahe informasaun importante kona-ba lei, no direitus umanus. Liutan nia hatutan katak, sira sente katak informasaun ne’e benefisiu tebes ba sira, nu’udar lideransa komunitária hodi bele aplika iha suco laran wainhira infrenta kazu krime sira.

Treinamentu ne’e rasik hetan entuziasmu diak husi partisipante sira ne’ebé mak marka prezensa. Ida ne’e bele nota husi prosesu durante hala’ó treinamentu partisipante sira ativu tebes atu husu perguntas wainhira sira la duun kumpriende didiak informasaun hirak ne’ebé maka transfere husi treinador.

Aliende ne’e partisipante sira mós espera katak treinamentu hanesan sei kontinua iha futuru liu-liu iha nivél aldeia ne’ebé defisil tebes atu asesu ba informasaun ba sistema justisa formal.

Atividade treinamentu ne’e realiza tanbá hetan suporta husi UNDEF no Embaixada Finlandia. Tuir planu trenamentu hanesan sei realiza fali iha Distritu Ermera iha fulan Juñu nia laran.

Atu hetan informasaun liu tan bele kontaktu direktamente ba:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl